

ՀՐԱՋՈՒՅ ՍՈՄՈՆՅԱՆ, ԱՆԴՐԱՆԻԿԻ ԺԱՄԱՆԱԿԸ, ԳԻՐՔ Ա, ԵՐԵԱՆ, ԿԱԽԱ ՆՐԱՄԱՐԱԿԱՆՈՒԹՅՈՒՆ, 1996, 751 էջ, դիրք P, ԵՐԵԱՆ, 1996, 829 էջ:

Ձորավար Անդրանիկի մասին գրվել են բազմաթիվ աշխատություններ, վեպեր, պատմվածքներ, հիշողություններ, ստեղծվել են երգեր, նրա պայծառ հիշատակին կանգնեցվել են բազմաթիվ կոմպոզիցիաներ: Սակայն այն ամենը, ինչ ստեղծվել է ազգային մեծագույն հերոսի մասին, կարծես թե բավարար չէ նրա հայրենասիրական ոգին ու գործունեությունը բնութագրելու համար:

Այդ բնագավառում, հերավի, լուրջ աշխատանք է կատարել ՀՀ ԳԱԱ ակադեմիկոս Հրաչիկ Սիմոնյանը, նա գրել ու հրապարակել է 1580 էջանոց երկհատորյակ՝ «Անդրանիկի ժամանակը» վերտառությամբ:

Այդ աշխատությունն իր լրովաճարակությամբ, հարուստ վեր նորահայտ փաստաթղթերով, պատմագիտական, քաղաքագիտական ու ռազմագիտական վերլուծություններով ծանրակշիռ ներգրում է պատմագիտության մեջ: Այս գնահատականը լիովին հիմնավորվում է, երբ ուշագրավ ընթերցում են մեծածավալ աշխատության յուրաքանչյուր էջը: Հեղինակը երկար տարիներ աշխատել է Մոսկվայի, Սանկտ-Պետերբուրգի, Օդեսայի, Քարիխի, Բաքվի ու Երևանի արևելագիտության, հայտնաբերել է միանգամայն նոր վավերագրեր Ձանդեղուրում, Արցախում, մասնավորապես նախիջևնում զորավարի ծավալած ռազմաքաղաքական գործունեության մասին, որոնց մեծ մասը դիտակաճ շրջանառության մեջ է գրվում առաջին անգամ:

Մեծ հետաքրքրություն են ներկայացնում նաև Կիլիկիայի հայերի ազատագրական պայքարին զորավարի ցուցարարած ազակցությանը վերաբերող նյութերը:

Հատկանշական է, որ երկու հատորում ներառված են ոչ միայն Անդրանիկի կյանքի ու գործունեության 62 տարիները, այլ նաև նրա անվան հետ առնչվող իրադարձությունները, որոնք կազմում են մի ամբողջ դարաշրջան:

Աշխատության մեջ տրված է ազգային հերոսի համակողմանի բնութագրեր, Հեղինակը ոչ միայն բարեխղճորեն մատնանշել է Անդրանիկի մասին գրված ու հրատարակված գրքերի բոլոր փաստաթղթերը, մեծագույնությունները, հիշողությունները, հոգվածները, այլև օբյեկտիվորեն վերլուծել է դրանք ու ցնահատել ըստ արժանիության: Առանց տարակուսանքի կարելի է ասել, որ նրա աչքից չի վրթվել ոչ մի հեղինակ: Քր. Վրմանյանը հանդամանորեն լուսարանել է հեղափոխական պայքարին և հայ ազատագրական ինքնապաշտպանական շարժմանը Անդրանիկի գլխավորադրման շրջանում: Հիմնական կողմերը:

Հեղինակը պատկերավոր ներկայացնում է հայ ազատագրական շարժման փայլուն էջերը, Անդրանիկի տեղն ու դերը այդ մեծ պայքարի հորձանում:

Գրքում նորահայտ փաստերով համակողմանի բնութագրվում է Սասունի հերոսապատմը: Այդ ավանդական հաճական հոդը 1904 թ. Վարադի վերջին պաշարել էին ջուրը 10 հազար թուրք դիվանի ու 7 հազար քրդական զինված խումբ: Հայ կտրիճների թիվը տասնապատիկ քիչ էր, սակայն նրանց խիզախությանը գումարվում էին տաղանդավոր զորապետների աննկուն կամքն ու հնարամտությունը:

Սասունում Անդրանիկն չի գլխավորում ինքնապաշտպանական մարտեր մղեց թուրքական զինված ուժերի և հրոսակախմբերի դեմ՝ մեծ վնաս պատճառելով նրանց, սակայն ուժերի հարաբերակցությունը, թշնամու թվական կազմի ու զենքի հսկայական զնադանցողությունը ի վերջո հանգեցրին ազատամարտիկների պարտություններ:

Գրքում ցույց են տրված Անդրանիկի քաղաքական հայացքները, մասնավորապես հայ ժողովրդի քաղաքական կողմնորոշման տեսանկյունից: Ընդգծված է, որ Անդրանիկը հաստատակամ էր այն կարևոր հարցում, որ հայ հեղափոխական շարժումը ունի մի գլխավոր և ուժեղ լինամի՝ օսմանյան բռնապետությունը, և քննել հարկ չկա հանձն առնական պետության, ձեռք բերել մի ուրիշ լինամի ևս: Այս տեսակետից միանգամայն տեղին են բերված Անդրանիկի դիմումն ու պատկերավոր հետևյալ խոսքերը. «Արյուն ձեր զլուխ ձեր հրեք ինչ որ կուզեք, բայց Ռուսիա դռները մեզի դեմ մի փակեք: Մենք շատ լինամի ունենք արդեն, Ռուս-»



չէ, դա պատմության տրամաբանությունն է: Ընդունելով այդ տրամաբանությունը, ուսումնասիրողն իրատեսորեն ասում է իր խոսքը. «Կովկասի թափարների (աղորեջանցիների—Ս. Ս.) հենարանը Թուրքիան էր, վրաբիները մեծ հույսեր էին կապում դերմանացիների հետ, իսկ հայերի միակ հույսը Ռուսաստանն էր, որի ներկայությունը միայն Կարող էր նրանց փրկել վերահաս աղետից» (հ. 1, էջ 688):

Գրքում համակողմանիորեն մեկնարանված են «Թուրքահայաստանի մասին» ղեկը տիր վերաբերող հարցերը, ցույց է տրված Անդրանիկի վերաբերմունքը այդ փաստաթղթին: Իրողություն է, որ ղեկը տեղում մեծ տպավորություն է թողնում Անդրանիկի վրա, և նա այդ ժամանակվանից դրական շրջադարձ է կատարում զինվորական Ռուսաստանը: Ահա թե ինչ է դրում նա «Հայաստան» թերթում. «Պաշտպան է մեր կարծիքով, որ կարող պիտի ըլլա հավասարակշռություն ստեղծել կովկասյան» այլադան ցեղերու մեջ: Պաշտպանը որքան շուտ վերջին կովկաս, այնչափ շուտ կը հարթվին կարող մը խնդիրներ, որոնք օրվա հրամայական հարցեր դարձած են, այդ կարողի հարցերն է ֆորմալ պաշտպանության հարցը: Բոլորիս հայտնի է, որ Բեթրոկրատի Ժող. Քոմիսարներու կառավարությունը տեքերթ հրատարակեց Հայաստանի թնդնորոշման համար, սակայն այդ տեքերթը իր ուժը ալ ավելի ցույց կուտա, երբ ուղղվեցին տեր ըլլան Կովկասին: Անոնք պետք են կած պատեհությունը պիտի ունենան զործնական կերպով աշակցել հայ ժողովրդի արդար իրավունքը զործադրելու համար, փնջպես և մյուս ժողովուրդներուն, և պետք են կած պաշտպանությունը ցույց տալ կովկ(ասյան) ֆորմատին, թուրք բարբարոսության դեմ:

Ահա թե ինչու համար է հարկավոր պաշտպանելու հաղթանակը Կովկասի մեջ» (հ. 1, էջ 708):

Հր. Սիմոնյանի աշխատության երկրորդ հատորն տպվում է 1917 թ. վերջերին և 1918 թ. սկզբներին Արևելյան Հայաստանում և ամբողջ Անդրկովկասում ստեղծված իրադրության վերլուծություններով ու դորավար Անդրանիկի գործունեության լուսարանմամբ:

Գրքում բացահայտված է հետաքրքրություն ներկայացնող մի կարևոր հանգամանք: 1918 թ. Թիֆլիսում էին գտնվում Արևմտահայաստանի կոմունիստական կուսակցության ղինված ուժերը, որոնք թիվն անցնում էր շուրջ 5000-ից: Չնայած վրաց մենչեկյան գործիչները հալածանքի՝ ու ահաբեկչական գործողությունների էին դիմում Կոմունիստական ուժերի ու հայ ղինվորականների նկատմամբ, կուսակցության կենտրոնը որոշել էր Անդրանիկի տրամադրության տակ դեմ ավելի քան 2000 ղինվոր:

Գրքում հետաքրքիր փաստաթղթերով ցույց է տրված Անդրանիկի տեսակետը Հայաստանի անկախության և Բաթումի պայմանագրի նկատմամբ: Զորավարը բավ էր հասկանում արևելահայության հերոսամարտի և մասնավորապես հայոց նոր Ավարայրի՝ Սարգստապատի նահատակության իմաստը: Նշանակությունը, Հայաստանի առաջին հանրապետության հուշակման և անկախության իմաստը:

Ազգային հերոսը սկզբունքորեն ու համառորեն շնդունեց Բաթումի պայմանագիրը և մերժելով հանրապետության ղեկավարների կարգադրությունները, որոշեց հեռանալ Հայաստանից:

1918 թ. հունիսի 6-ին իր գործառնով ու զաղթականներով Անդրանիկը դուրս եկավ Դիլիջանից և սկսեց իր ճանապարհը նոր Բայազետ-Դարալագյազ-Նախիջևան-Ջուֆա-Խոյ-Սալմաստ-Համազան-Բազում ուղևորվել:

Զեյթն ընդունելության արժանանալով նոր Բայազետում, 1918 թ. հունիսի 17-ին, նա իր գործառնով ու զաղթականներով մտնում է Նախիջևանի գետնում, հունիսի 18-ին Նախիջևան քաղաք, որտեղ էլ կարճ ժամանակով ղինվորում է այդ գավառի հայության մահու և կենաց պայքարը:

Նախիջևանում գտնվելու ժամանակ Անդրանիկը կատարեց համարձակ ռազմաքաղաքական քայլ՝ Նախիջևանի ղավառը հայտարարելով Ռուսաստանի Հանրապետության անդաման մաս: Այդպիսի բովանդակությամբ նա հեռացրեց և ուղարկում Ստեփան Շահումյանին: Այս փաստաթղթերի վերաբերյալ զրքում բերված են նորահայտ նյութեր ու նկատառումներ, ինչպես նաև Ստ. Շահումյանի պատասխան հեռագիրը և ուսական պաշտոնական մամուլի բարձր քննահատկանքները Անդրանիկի ռազմաքաղաքական գործունեության վերաբերյալ:

Հր. Սիմոնյանն ալ կարծիքն է հայտնում, որ, հավանաբար, Լենինը համակրանք ու դրական վերաբերմունք է ունեցել Անդրանիկի նկատմամբ: Այդ կապակցությամբ նա գրում է. «Մեղ հայանի չէ, թե Շահումյանի հեռագրին Լենինը պատասխանել է, թե ոչ, բայց անկասկած է, որ վերջինս առանց տատանվելու համակրանք ու դրական վերաբերմունք է դրսևորել Անդրանիկի գործողությունների նկատմամբ: Այդ մասին են վկայում Մոսկվայի շերմ

արձագանքը, կառավարական շրջանների շահագրգիռ հետաքրքրությունը, որը մասնավորապես արտահայտվեց ինչպես կենտրոնական պաշտոնական մամուլում, այնպես էլ Բաքվի բուլձ-վիկյան մամուլի էջերում՝ Անդրանիկին տրված խիստ դրական գնահատականներում» (Ն. Չ, էջ 267):

1918 թ. ամռանը Թուրքական մեծաթիվ ուժեր ներխուժում են Նախիջևանի գավառ Դրու-թունը օրհասական էր:

1918 թ. հուլիսի 20-ին Անդրանիկին իր զորամասով գաղթականության հետ ուղևորվում է Զանգեզուր:

Աշխատության երկրորդ հատորի 9-րդ գլուխը նվիրված է Սյունյաց աշխարհում Անդրա-նիկի գործունեությանը: Հեղինակը մատնանշում է, որ Անդրանիկ Օզանյանի հերոսական կեն-սագրության մեջ առանձնակի տեղ ունեն Զանգեզուրում նրա անցկացրած ղեկավարին ուժ ամիս-ները, երբ իր զորամասով լիշամուռ թունձգություններից պաշտպանում էր Հայաստանի այդ լեռնավայրը: Հաջկ է ասել, որ Հր. Սիմոնյանը Անդրանիկի զանգեզուրյան գործունեության ընդ որ հիմնական կողմերը լուսաբանել է նորահայտ աղբյուրներով, հանգամանք, որն աշխա-տությունը դարձնում է առավել գիտական, հետաքրքիր ու յուրահատուկ:

Գրքում որոշակի տեղ է հատկացվել Բաքվի 26 կոմիսարների հեղրական վախճանին և այդ ամենից ամբ Ստեփան Շահումյանի նկատմամբ Անդրանիկի վերաբերմունքին: Բերված են Անդրանիկի այն խոսքերը, որ Շահումյանը առաջին հերթին սշատ լավ հայ էր: Սի-մոնյանը գրում է, որ օգտավարը գա ասել էր, որն է առարկությունը հանդուրժող շնչով, հետո անդրադարձել էր նրա կատարած գործերին ու լիարժեք ջանքերին, որոնք, իմիջ-զույլուն ունենալին, հայտնությունը մեծապես շահած դուրս կգար կոմկուսյան իրադրություն-ներին, այլ ոչ թե հակառակը, որ կատարվեց» (Ն. Չ, էջ 333):

Անդրանիկին շատ էր մտահոգում Ղարաբաղի ճակատագիրը: 25-ը որ թուրքական դրքերը գրավել էին Շուշին և անցել էին գավառների նվաճմանը: Արիվվային նոր նյութերի հիման վրա Հր. Սիմոնյանը նշում է, որ օգրմը շարունակ Անդրանիկի միտքը գրադված էր Ղարա-բաղի վրա գնալու խնդրով: Դեպի Ղարաբաղ անցման նպատակը միայն հայության ազատա-դրելը չէր: Անդրանիկը մտորում էր, թե «հարավում» է արդյոք այնտեղից գնալ Վաթիկ վրա, որը թուրքերը գրավել էին...» (Ն. Չ, էջ 429):

Ղարաբաղի հայությանն օգնելու նպատակով 1918 թ. հոկտեմբերի 30-ին հարվածող զորամասի ստորաբաժանումները գործիսցիների ղեկաված խմբերի հետ շարժվում են դեպի Ղարաբաղ: Անդրանիկի գործի հաջողությունները փառուն էին: Գրավում են Մարքի լեռը, և նրա գագաթին ժամանվում է գործի կարմիր դրոշակը: Այնուհետև ջախջախիչ հարվածներ և հասցվում Թուրք-քրդական ուժերին: Զարուղ և Հաղարո գետերի ավազաններում: Դրանից հետո գործը պետք է շարժվեր ու մտներ Շուշի: Ցավոք, ղա տեղի շունեցավ, և զորավարի սկսած ռազմերը անավարտ մնաց: Դրա պատճառը, ինչպես նշում է գրքի հեղինակը, Ադրե-լանի կառավարության և Բաքվի անգլիական օկուպացիոն խիսանությունների ձեռնարկած դանդաղան հակամիջոցներն էին:

Հր. Սիմոնյանն ամեն կարծիքն է հայտնում, որ «ենթարկվելով անգլիացիների ճնշմանը, զորավարը գործել է անուղղելի սխալ: Այդ սխալը հետագայում շատ լիակատար «Ղարա-բաղի հայության վրա: Եթե Անդրանիկը չլսեր ռազմականների, այլ Զարուղի ձորերը գրա-վելուց հետո առաջ գնար ու մտներ Շուշի, ապա լեռնային Ղարաբաղը Զանգեզուրի հետ կցված կլիներ Հայաստանին» (Ն. Չ, էջ 463):

1919 թ. ապրիլի 13-ին Անդրանիկին իր զորամասով, շրջանցելով Երևանը, մտնում է էջ-միաձին և ներկայանում վեհափառ Հայրապետին: Նա հայրենի Լրկրին հրաժեշտ է տալիս 1919 թ. ապրիլի 28-ին, էջմիաձին Մայր տաճարի բակում:

Անդրանիկին իր մերձավորներով նույն օրը գնացքով մեկնում է Թիֆլիս, իսկ մի քանի օր անց, 1919 թ. մայիսի 7-ին Բաթումից նավով ուղևորվում է Եվրոպա:

Գրքում մամանակագրական ձևով շարադրված են Անդրանիկի գործունեության արտա-ստիմանյան էջերը (Եվրոպա, Ամերիկա):

Եվ ահա, 1920 թ. գարնանը, Փարիզի ազգային պատվիրակությունը առաջարկում է Անդրանիկին Ամերիկայից վերադառնալ Եվրոպա և ախտեղից մեկնել Կիլիկիա՝ կազմակեր-պելու հայկական այդ Լրկրամասի պաշտպանությունը: Ընդունելով առաջարկությունը, Անդ-րանիկը 1920 թ. հունիսի 25-ին Նյու-Յորքից մեկնում է Եվրոպա: Սկզբում նա հանգրվանում է Մանչեստրում, ախուհետև մեկնում է Փարիզ և հանդիպումներ է ունենում Պոլոս Նուրարի հետ: Երկար ժամանակ չի անցնում, և Անդրանիկը Հայկ Բոնապարտյանի հետ ուղևորվում

է Կիլիկիա՝ Ճանապարհին կանգ է առնում Իզմիրում: Անդրանիկին չի հաջողվում մտնել Կիլիկիա այն պատճառով, որ ֆրանսիական լեհեմորական իշխանությունները համաձայնություն չեն տալիս: 1920 թ. հոկտեմբերի 22-ին մեկնում է Եգիպտոս: Հայտնի է, որ Եգիպտոսահայերը ոչ միայն մեծ խանդավառությամբ են ընդունում Անդրանիկին, այլ նաև հանձնում են մեծարժեք նվեր՝ ադամանդակու սուր:

1920 թ. վերջերին Անդրանիկը Եգիպտոսից նավով ժամանում է Մարսել, և այնտեղից մեկնում է Փարիզ: Ստանալով տխուր լուր թուրք-հայկական պատերազմում Հայաստանի Հանրապետության բանակի պարտություն և Ալեքսանդրապոլի պայմանագրի մասին, զորավարը Լրկար ժամանակ չէր հանդարտվում զայրույթից:

Այն բանից հետո, երբ Անդրանիկին չի հաջողվում մտնել Կիլիկիա, նա որոշում է երկար ժամանակով մեկնել Ամերիկա: Դրանից առաջ, 1922 թ. մայիսի 15-ին Փարիզում Անդրանիկը առևանանում է նվարդ Փյուրբժյանի հետ և նույն թվականի հուլիսի 5-ին «Օլիմպիկ» շոգենավով մեկնում ԱՄՆ:

Աշխատության մեջ լուսարանված է Հայաստանի իրականությունը խորհրդային իշխանություն պաշտնենրում, իսկ Անդրանիկը իր մտքով ու հոգով Հայաստանի հետ էր: Զորավարը հատկապես ոգևորված էր այն ջանքերով, որ խորհրդային Հայաստանի կառավարությունը ձեռնարկում էր հայրենադարձության կազմակերպման ասպարեզում:

Անդրանիկը վերջնականապես հիասթափվելով չալկական հարցում ԱՄՆ-ի, եվրոպական մեծ տնտեսականների, Աղգերի Լիգայի և Լոռանի կոնֆերանսի դերքորոշումներից, 1923 թ. ապրիլի 12-ին Ֆրեզնոյից Արշակ Զուպանյանին գրած նամակում Խեչում էր, որ անհնարին է «դիպլոմատիայով Հայաստանը աղատել: Հաջ ժողովրդի փրկությունը, — ընդգծում էր նա, — ոչ թե հեռունեքում պետք է փնտրել, այլ՝ Ռուսաստանի հետ դաշինքի մեջ» (հ. 2, էջ 741):

Հր. Սիմոնյանը արդարացիորեն գրում է, որ Ռուսաստանի նկատմամբ այդ տեսակետը Անդրանիկը Լորեն չփոխեց: Նա գրքում բերում է զորավարի այն խոսքերը, որ «Առանց Ռուսիա պաշտպանության և հովանավորության, ներկայումս մեր ազգը գոյություն չի կրնար ունենալ» (հ. 2, էջ 741): Այս, Անդրանիկը գտնում էր, որ կովկասյան Հայաստանը, խորհրդային մյուս հանրապետությունների հետ մի պետության մեջ միավորվելով, արդեն ապահովել է հայության ամենամեծ հատվածի գոյատևումը և առաջընթացը: «Խորհրդային Հայաստանը պետք է Ռուսաստանի հետ ըլլա և ստանա անոր պաշտպանությունն ու աշակցությունը», — շեշտել է զորավարը (հ. 2, էջ 742):

Խորհրդային Հայաստանի նկատմամբ զորավարի չեղած վերաբերմունքի և նվիրվածության արտահայտությունն հանդիսացավ նաև այն, որ 1926 թ. Եգիպտահայերի խորհրդանշական նվեր՝ անպարտելի սուրը, նա հանձնում է Հայաստանի պաշտպանության հանձնարարության պատմության թանգարանում պահպանելու համար: Այդ առթիվ վերլիամ Սարոյանը գրել է. «Սանդրանիկը շորս սերունդների թուր կայծակին նվիրեց խորհրդային Հայաստանին, որպեսզի հայ ժողովուրդն իր սերունդներին հաղորդակից անի, բարձր պահի հայ ժողովրդի դուցադնությունը, որի մարմնացումն է Սասնա հերոսը» (հ. 2, էջ 746):

Գրքի՝ «Վերջալուսին» վերնագրի տակ հեղինակն անդրադառնում է զորավարի առողջական վիճակին, որը զնալով վատթարանում էր: Անդրանիկը վաղուց տառապում էր սուր հոդացավերով, որոնց դուրսարվում էին սրտի անբավարար աշխատանքի և րեուրմենտը: Այդ օրերին նրա մեջ բուռն ցանկություն էր առաջացել մեկնել Հայաստան և կյանքի մնացած մասը անցկացնել Հայրենիքում:

1927 թ. օգոստոսի 31-ին Զորավարը կնքեց իր մահկանացուն:

Վախճանի՝ հասավ հայոց պատմության մեծագույն ուղեկցին մեկի հերոսական կյանքը: Հավերժության դիրկն էր անցնում փոթորկահույզ և մրրկածուփ մի հոգի, հանդուգն ու խիղիս մի էություն, հմայիչ մի առասպել:

Անդրանիկը թաղվեց Ֆրեզնոյի Արարատ գերեզմանատանը, սակայն նրա ալու խընդրանքով Զորավարի աճյունը տեղափոխվեց Փարիզ և 1928 թ. հունվարի 29-ին, Պեր Լաշեզ գերեզմանատանը տեղի ունեցավ երկրորդ հուղարկավորությունը:

Ավարտելով երկհատորյակը, Հր. Սիմոնյանը գրում է. «Վերջացավ մեր պատմությունը մի մարդու մասին, որը մի առթող ազգի հպարտությունն է ահա մեկ դար շարունակ: Բշերն են արժանանում այնպիսի բախտի, որին արժանացավ Անդրանիկը՝ իր լուսավոր անունը հավերժ թողնելով հայ ժողովրդի ներկա և ապիջ սերունդների սրտում» (հ. 2, էջ 791):

Փաստորեն երկնատորակի էջերում ներկայացված ու բնութագրված են ՄԼՏ դ. վերջի և ՄԼՏ դ. սկզբի հայ ազգային-ազատագրական շարժումները. դրանց գրգապատճառները, Անգլանիկի, նրա ուսուցիչների և շինակիցների սխրագործությունները:

Հո. Սիմոնյանի երկնատորակը ամենամեծ առթև է համայն հայոց զորավարի մասին: Միանգամայն ճիշտ կլինեի, որ այդ արժեքավոր աշխատությունը հրապարակվեր ռուսերեն և այլ լեզուներով: Դա անհրաժեշտ է, որպեսզի ոչ միայն հայեր, այլ նաև աշխարհի մյուս ժողովուրդները համակույմանի պատկերացում ունենան հայ ժողովրդի միտքը, խիղճը, ազատության ու անկախության ոգին մաքմնավորող Մեծ Մարդու՝ Անդրանիկի մասին:

Ս. Ս. ՍՏԵՓԱՆՅԱՆ

Պատմական գիտությունների դոկտոր